

明詩別裁集

掃葉山房
石印

明詩別裁集

孫堂編
五印

清詩別裁集卷八

姚文焱

字彥昭江南桐城人著有楚遊詩

赤壁

天空木落石崔嵬。懷古憑軒倦眼開。山勢欲奔吞浪住。江光不斷抱城來。英雄氣盡三分業。詞客名高兩賦才。只有文章傳勝地。簫聲鶴夢穗塵埃。

吳

綺字園次江南江都人由選貢生官湖州知府著有林蕙堂集○園次守湖州擒治豪猾喜賓客田方名流過從賦詩遊讌無虛日卒以是去官梅村

贈詩云官如殘夢短客比亂山多可以想其風趣矣

程益言邀飲虎邱酒樓

新晴春色滿漁汀。小憩黃鑪畫槳停。七里水環花市綠。一樓山向酒人青。綺羅堆裡埋神劍。簫鼓聲中老客星。一曲高歌情不淺。吳姬莫惜倒銀瓶。三四語寫山塘風景如畫

贈趙尊客

閨客浮家泖水湄。孤踪不許俗人知。春衣典盡緣沽酒。晨突無烟獨愛詩。晞髮未忘文信國。論心長憶鄭當時。何來忽作思鄉曲。擷采幽香絕妙詞。

見人扇頭是友沂絕句愴然和之



禮部尚書臣沈德潛纂評

歌版當年出絳紗。綠衣紅袖盡鉛華。只今便面春風在。曾向章臺拂柳花。

入署

平明初下紫宸班。錦署無營晝掩關。閒拂案塵思往事。一杯涼雪祭椒山。

兵部有椒山題名故

祭之

友人納姬戲為催粧姬汪姓南人也

蛺蝶輕羅押蒜金。燈前小立倚瑤琴。桃花潭水兒家住。只問郎情深不深。

題畫

怪石頽雲勢不平。西風捲出大江聲。漁郎醉卧蘆花裡。笑指何人觸浪行。

黃

字仙裳江南泰州人著有悠然堂集。仙裳負氣慷慨人以俗語俗事相黽輒謾罵之羣目為狂生

江村春日

門前芳草路。春到有誰過。曙鳥喧寒樾。條風動綠波。性迂求世少。親健得天多。莫訝將強仕。猶然隱澗河。

經落帆亭是癸巳春與陳澹仙先生別處

故交十載散浮萍。攜李風煙此再經。今日獨齋磨鏡具。當時相送落帆亭。東門蟻酒春猶綠。南浦絲楊晚更青。只有寢園生宿草。鷓鴣啼處不堪聽。

婁東修復前觀察馮留仙先生祠宇

憶昔驚心丙子年。誰將隻手獨扶天。舉朝半醉烏程酒。名士拚沉白馬淵。黨禍清時公又死。奸謀用後鼎俱遷。寧知宗社丘墟日。廟食東南肅几筵。明思宗朝烏程溫休仁當國戕虐善類小

人多附比之社之所以屋也三四為託實語

梁谿舟宿聞吳歌

鷄唱烟中亂。鶯鳴夢回酒醒未天明。江南風景彫殘後。纔聽吳歌第一聲。

宗元鼎

字定九江南揚州人著有芙蓉齋集○定九愛潔不減倪高士為詩最重風調而性情因之以出非謾然語也集中七言絕句尤近中晚唐人

早秋

我行初出郭。新月似蛾眉。幾夕望舒圓。今復蟾兔虧。匪獨此朝夕。百歲亦如斯。懷情不能寐。徘徊向中墀。側聞草蟲鳴。仰望繁星垂。人言秋漏長。已覺衡漢移。千念未夜息。萬感與朝期。長卿恒有疾。子雲終何為。引領還躑躅。淚濕衣裳縈。

題郊居

茶竈聲清響竹廊。小亭新構面橫塘。漁夫晚唱烟生浦。桑婦遲歸月滿筐。一嶺山花燒杜宇。滿池春雨浴鴛鴦。籬邊犬吠何人過。不是詩僧是酒狂。

冬日過甘泉驛

記得當年來古驛。馬鞭帶雪繫樓前。雙柑香。濺佳人。手半臂。寒添酒。客痛。忽見荒隄。摧暮草。空傷衰樹。沒寒烟。風塵滿目深惆悵。却望誰家寄醉眠。記得忽見上下半篇自成章法雙柑一聯

漁洋謂似才調集中語

百尺樓

素韞翩翩月一鉤。凌雲風致想高樓。江南歌舞尋常事。便遣曹彬下蔣州。連下章用意遣詞神

似玉溪絕句

吳音曲

璧月庭花夜夜重。隋兵已斷曲阿衝。麗華膝上能多記。偏忘床前告急封。

留鄒評士

新開蘭蕙正芳菲。初到鰣魚入饌肥。最好流光是三月。如何拋却渡江歸。

潘

高字孟升江南金壇人著有南村集○南村詩古淡生新絕無彫飾而自然合度金壇詩人無出其右者○漁洋詩話謂陳其年與予書云有潘高者貧而工詩久別無可言者止此一物奉獻潘有寒食一絕云黃鵲穀穀雨疎疎云云今讀其稿格高者甚多此篇止風調可聽恐非上乘

初春有述

我生無他長。所耽惟種樹。樹中尤愛梅。為其能守素。守素有同心。相將老巖穴。花時犯清霜。坐到將殘月。家園興未足。尋梅過太湖。梅花如白雲。茫茫路欲無。入山不忍

盡下山元獨宿。鐘清何處寺花隱。誰家屋。願言寄吾友。一枝折寒林。微物何足貴。將此歲寒心。能守素守此歲寒心也。一篇大旨如此。

送友人之中州有懷同社并陳子其年

臨觴送君發。正值榴花時。雨過風蕭然。空山浪遲遲。行行君所經。冉冉予所歷。若宿伊陽村。為望嵩山月。致我平生友。寄我一行書。相看成契濶。鬢髮復何如。陳子未相識。相思亦已久。為我一問之。知有南村否。歸雲帶雁飛。清霜點客衣。且晚有題字。應報溪南扉。

憶幼子

少年會有役。辛苦何足言。四十今過二。向後多衰年。撥棄悠悠情。當從予所便。夜分偶感觸。顧影心悵悵。憶我去冬時。種麥來溪田。小兒纔五歲。叱叱揚耕鞭。隨我至溪畔。背我弄溪泉。日暮徐來歸。持鉏趨我前。今春忽假館。僻近西山偏。牽衣頻送我。正傍溪田邊。溪水亦活活。溪麥亦芊芊。自從別家來。歲月如流遷。麥今已刈。兒今誰共憐。我意欲反權。遇事苦迍邅。懷鄉方竚立。東望惟雲烟。慈愛至情委曲傳出無心學陶去陶公未遠

晚上焦山絕頂至暮歸宿山莊

初日江荒荒。曉烟不可罷。稍行見青螺。漸次辨蘭若。人行穿鵲巢。路窄盤石罅。逾時

攀險絕。早已驚衰謝。樹古巖就穿。樓高雲許藉。一盡巔崖趣。旋從別徑下。落木響蕭蕭。寒潮勢奔瀉。欲歸路非遠。問渡風稍借。可憐江上月。先我在茅舍。酌酒勸影形。嗒然坐清夜。此首又近李頎常建。本朝五言古李景堂每首刻峭潘南村每首清真求參立者成難其人

古意

跨馬塞北地。百戰封一侯。釣魚江南天。一竿占十洲。此事孰不知。大白為我浮。醉起唱銅斗。此樂君知不。能存此樂散人勝萬戶侯矣

留別

水落溪田出。霜清下種時。煙中送人早。雨外到村遲。松隔誰家屋。花明是處籬。君今荷篠者。吾亦在東菑。

寄梵川諸友

柳暗溪南路。柴門第幾灣。人隨春水遠。鳥帶夕陽還。綠過孤村雨。青浮隔縣山。徘徊芳草意。不盡暮雲閒。

雜感

陰山沙磧捲雲飛。戰罷秋風咽鼓聲。隴上空歸都護馬。城南盡哭羽林妻。蕭關明月悲笳動。遼海孤烟雜部齊。遠戍議添新介冑。不知獵騎過安西。

秦淮曉渡

潮長波平岸。烏啼月滿街。一聲孤櫂響。殘夢落清淮。

金陵詩社諸名流咸在賦秦淮曉渡爭勝者多長篇累幅南邨曰我年有才竭只二十字也出示衆人皆斂手服甚有袖詩不出者金壇虞東臯云

春感

江水悠悠泛畫橈。東風何處不魂銷。春歸萬里無消息。又過垂楊舊板橋。

寒食

黃鴉穀穀雨疎疎。燕麥風輕上紫魚。記得去年寒食節。全家上冢泊船初。

憚日

初字仲升江南武進人

觀黃石谷畫山水圖歌

琴川王郎年正少。放筆往往稱神妙。靈想寂與造化通。幽襟獨寫溪山照。看君得意時。意若旁無人。抽毫欲使群峰奔。躊躇顧盼久不下。素練忽破青山痕。誰剪羅浮烟。驚落華陰碧。勢偃研北松。欲墮壁上石。冉冉嵐氣蒸。轉目無留迹。營丘洪谷不可攀。人間久矣無青山。此時窺圖發清賞。高興半落雲沙間。何處覓丹梯。何方種瑤草。烟霞四壁吾將老。援琴待掃十丈綃。坐我雲邊弄仙島。

方膏茂

字敦四江南桐城人

歸家

此身。拚。永。別。那。意。得。生。還。征。騎。才。門。外。喧。聲。已。戶。間。心。含。他。日。淚。眼。認。去。時。顏。嚙。臂。知。非。夢。今。朝。真。入。關。

喧聲已戶間即少陵鄰人滿牆頭意工於脫化

張

宸字青瑀江南華亭人官部郎

楚中秋思

日。落。長。沙。楓。樹。紅。斷。猿。啼。處。暮。雲。空。可。知。昨。夜。鄉。關。夢。身。在。寒。烟。萬。點。中。

路

鶴徵字湘舞江華亭人

籠中鸚鵡

縱。有。雲。霄。志。其。如。鍛。羽。何。語。言。徒。自。巧。文。采。累。人。多。隴。坂。關。河。杳。雕。籠。歲。月。過。翠。衿。渾。短。盡。愁。絕。少。陵。歌。

文采累人一篇主見彌正平後柳柳州劉連州皆其人也故君子有取於夷白

范

超字同叔江西南上海人

雪灘釣叟歌

雪。灘。釣。叟。人。不。識。持。竿。日。坐。灘。頭。石。渭。水。遭。逢。事。有。無。英。雄。老。作。江。湖。客。問。爾。垂。綸。定。幾。年。笑。而。不。答。鬚。飄。然。知。君。原。乏。求。魚。志。擊。楫。還。吟。秋。水。篇。垂。虹。橋。門。七。十。二。君。家。恰。在。橋。邊。住。茆。屋。斜。開。白。板。扉。釣。船。橫。繫。枯。楊。樹。日。落。沙。頭。增。暮。寒。江。天。風。雪。正。

漫漫朝來凍合無魚釣。好脫蓑衣當酒錢。此為吳江顧茂倫作

柴紹炳字虎臣浙江仁和人○西冷十子詩選虎臣與毛稚黃為主愷詩教陵夷而斟酌論次以期力追淵雅也虎臣詩營構精聖時嫌過密特取其清疎

蕩

酬毘陵劉慶雲湖上見贈

劉生纔把臂。幾載客錢塘。一見如相識。重遊即故鄉。春陰桑葉白。日暖柳花香。未覩湖山興。高歌那斷腸。桑葉非白柳花無香然古語云杏花盛桑葉白太白云風吹柳花滿店香詩人引用皆有所本

喜陸大景宣歸河渚

征途幾歲竭歸來。庾信江南重可哀。春雨草連村市沒。曉風花傍戰場開。我思賣藥仍無地。君定垂綸何處臺。總是他鄉成浪跡。故人相見且銜盃。

沈謙

字去矜浙江仁和人著有東江集○朱竹垞云去矜少喜溫李後乃循漢魏之規模得初盛之風致其意貞而不溫其聲和而不流

引聲歌

外極莽蒼。內保精粹。至人不言。四時咸備。理不出身。道不在智。形體塊然。神明所寄。虛心實腹。抱道守真。大化迴薄。與仙者鄰。運翰圓象。敷匝廣輪。陰陽不害。庶得平均。可參予欲無言章及老子守其環中等意

樵歌行

自注祖望自號西山樵夫嘗以漁父詞贈予故有此答

西山樵夫方壯年。手持樵斧西山邊。朝向西山石上坐。暮向西山雲際眠。行人過者問樵夫。願君共坐語斯須。美髯如戟好身手。虎狼不顧千金軀。深林杳杳白日落。請君且去住城郭。豐貂錦衣不識寒。肥肉美酒供大嚼。暫時俯仰誰復嗤。恐隨霜露填溝壑。樵夫不答自微吟。東江漁者知我心。

送人之山東

君去遊齊魯。誰憐泣路隅。沙深埋馬足。風利斷人鬚。鼓楫河流隘。瞻雲嶽色孤。蘭陵多美酒。愁絕更須沽。

晚眺

川原望不極。孤客自登臺。落日大荒遠。平沙秋雨來。青門生事渺。白石壯心哀。歸思西風後。空憐作賦才。

送友人北上

嗟君北行役。把酒一沉吟。驅馬河冰滑。聽鷄夜雨深。鼓聲孤客淚。書札故人心。念母歸應早。天涯弗滯淫。

虞黃昊

字景明
浙江石門人

楊柳枝辭

楊花如雪撲征衣。馬上征夫苦憶歸。曾向曲中回首望而今。真在路旁飛。自清淺淺神

此辭體也

陸

圻字麗京浙江錢塘人。○漁洋詩話謂麗京晚年遠遊不歸或云在嶺南為僧名今龍而朱竹垞太史謂其入武當為道士終莫能定總之不知所終

七夕有感

萬里晴雲澹素秋。海天東望更生愁。黃姑鵲鵲通斜漢。明月嬋娟照戍樓。剖核誰當來阿母。吹笙何路問浮邱。可憐攜手闌干淚。空擬歸來尚黑頭。

與歌者陳郎

落日橫江老白蘋。同鄉停問一相親。未嫌李尉翻新曲。偏喜何戡是舊人。玉管漫吹秋月白。紅牙曾按綺筵新。坐中恐有傷心客。莫唱伊涼水調頻。

送朱生之秣陵

華館張燈酒共斟。清霜朔雪晝陰陰。上方請劍高名著。廣柳容人俠氣深。醉後難忘公瑾曲。愁來獨抱蔡邕琴。秦淮渡口花爭發。莫負當年桃葉吟。應是使士而為直臣者

毛先舒

字稚黃浙江仁和人。有東苑詩鈔。○漁洋詩話余喜毛稚黃西施絕句云別有深息酬不得對君歌舞背君帝此意未經前人道過

孔北海融述志

炎災當路客。奕奕朱門開。雄鷄無三號。冠蓋紛沓來。志士大所營。漂漂窮無依。結根

在累世。安能灼餘輝。歷觀古俊民。功成道何微。子牙尚陰謀。管仲器小哉。人生履國步。周道自我夷。猛虎扼其項。何況狐與狸。此身勤君父。安得慕夷齊。曲士矜一節。度外寧所希。寧為白玉碎。不為長伏雌。北海目中直無曹瞞。經營國難。不慕夷齊。其素願然也。寧玉碎而不為瓦全。故卒被禍。擬古詩。須設身處地為之。

裁衣曲

剪征衣。親手作。君身長短何須度。肥瘦定然不如昨。新衣為君裁。舊淚為君落。還將銅斗細熨灼。莫使衣上沾猩紅。君見淚痕不肯著。思路音節近接青邱遠接文昌仲初

張

丹一名細生字祖望浙江錢塘人有從野堂詩集○此西陵十子中矯矯者向共推其七律而五古生辣結懣終以此體擅長

白竹村

路盤白竹村。崎嶇探窮谷。居人八九家。林杪構破屋。下惟四柱立。亭亭不附木。仰視如鳥巢。夕暝梯雲宿。樓動晚風吹。萬竿如戛玉。已防虎豹害。復懼麋鹿觸。我行多彷徨。不敢歧路哭。從者俱飢色。清潭聊手掬。吾語勿苦飢。餐松毛羽足。寫竹屋荒陋如見

涿州城

曉霜不在地。微白生牛背。遙望涿鹿城。嵒然沙磧內。控禦走其下。壁立皆土塊。此地古范陽。甲兵天下最。側耳聞啼飢。傷心自我輩。野狼遇人嗥。蒼鷹攫雉碎。生涯底如

此浩歎茲行邁。天下之險可使有飢民耶。誰謂山埜人不留心經國。

晏城

小小古晏城。西對華不注。昔之晉却克。逐馬而北處。我行實已嬾。解鞍歇薄暮。鵲巢嘯其群。老烏守枯樹。不見古人迹。斷碑委樵路。手摸苔蘚痕。字句讀未誤。平仲之采地。緬然起思慕。奈何千載後。蕪沒如野戍。相望有遠山。恐是齊朝附。

登城西南隅次毛馳黃韵

野濶天高楓葉丹。鳳凰城下倚樓看。苔深玉馬秋逾靜。露涇銅駝曉未乾。南浦雲屯千騎合。西陵木落萬家寒。愁來鼓角霜前動。莫聽征鴻去渺漫。

陸嘉淑字永修浙江海寧人

蕪城感舊

花影鶯聲句偶傳。無端真得玉人憐。劉郎前度身猶在。杜牧三生事惘然。銀燭夜闌分險韻。畫欄春半響么絃。玉鈎斜外傷魂處。落盡桃花叫杜鵑。

郭襄圖字皋旭浙江平湖人

贈鮑子韶即送別

看君心事欲凌雲。客裡悲歌日易曛。每笑成名皆豎子。翻因長揖重將軍。焦桐未盡

留知己。白鳳時吞只賣文。憶向五羊同叱石。燕臺相見又離群。

顧萬祺字庶其江南吳江人諸生

闔雞坡

紅粉宮中小隊齊。花痕凝碧草萋萋。一從孫武歸山後。不教三軍教闔雞。武備不修意借闔雞

想出可云澹發巧心

盧元昌

字文子江南華亭人諸生○文子衡門兩版下惟著書選定古文不脛而走為詩少權娛之詞多愁苦之言由生平遭際使然而領法常在少陵故憂傷感憤不知其然而然也上海陳生龍岩為余述其梗概如此

哭李在湄

汝書粘在壁。三載字依然。薄宦嗟無祿。投荒竟各天。老魂霜旅雪。客夢叫孤鶩。誤汝真升斗。泉臺恨肯捐。

薄宦天涯客。頻年幾箇回。挑燈搜鬼錄。把酒話泉臺。後死青山在。餘生白髮催。羊城李少府。丹旆早歸來。第一章哭少府此章痛逝者而行自念也

北塘晚棹

悠悠北塘棹。落日轉蓬科。留滯無安土。東南病把戈。江寒魚。苦。靜。月上。虎。蹤。多。去。去。勿復道蒼生。可奈何。第五語經所云三星在留也

登吳六益藻野閣次韻

凭欄極望思蒼茫。南北關山雁幾行。萬里故人偏海角。十年兄弟一匡床。欲謀土室真成狷。便哭窮途未是狂。愛爾灌園能樂志。樓前常種兩株桑。

群忠祠

徐海樓船捲土來。角聲吹落暮雲哀。將軍卧鼓空城閉。國士褰旗戰壘開。五尺汪童

能破賊。三千瓦氏浪銜枚。

自注明世廟徵瓦氏兵禦倭甚暴

先朝祠宇還香火。蕭瑟寒鴉夕景催。

倭寇之亂者

哭箕兒

舉目伶仃欲斷魂。汝生惟此藐孤存。翻教衰祖為嚴父。休道無兒幸有孫。白首未拋苦海累。黃昏孰問寢門溫。床頭零落殘書卷。幾度青燈屋漏痕。

胡渭生

字拙明浙江德清人

吳山觀潮

扶桑東極水雲昏。溟漲連天入海門。白鷺千群沙際影。青螺數點雪中痕。石當羅刹

走風折西陵勢益奔。徙倚伍胥祠下望。鴟夷信有未招魂。

白鷺千群用枚乘語意青螺句即蘇詩所

云越山渾在浪花中也